

應正遍知明行滿足天中之天一切世間真

實知見於此山樹具足地中作六佛塔利益

天人此佛塔者是所應禮所應供養禮拜供

養無不得力何以故更無勝故如是佛塔不

可得過以此因緣天王今者如是下墮

我時告彼無垢廣言佛在何處彼無垢廣即

答我言今者悉無出間之中一切皆無彼一

切知一切悉見知欲過惡知生死中諸苦惱

已精勤修行六波羅蜜劫數滿足三阿僧祇

得一切智入於涅槃此是略說欲得廣聞見

此佛塔更為廣說此六佛塔今者在於山樹

具足地處中住

我於尔時聞彼舊天無垢廣言生希有心見

勢力已共彼宿舊無垢廣天并諸天衆到六

塔所到已思惟爲欲聞法度生死故入佛塔

中入佛塔已聞如是法彼佛世尊之所宣說

時彼天衆得聞天主牟脩樓陀如是語已各

辭天王向自地去牟脩樓陀夜摩天王亦向

先來自住之處說佛塔竟

十一

正法念處經卷第五十

慎十

嗜音剛擴下俱推擣上直追反崖舌昔

奉佛第子資德柰突厥河南京華興行書寫集齋齊譽鑒等  
金匱叢經板子卷捨平路礪沙延聖乘遠流通

太德五年辛丑九月日謹題

正法念處經卷第五十一

終一

元魏婆羅門瞿曇般若流支譯

觀天品第六之三十夜摩天之十六

又彼比丘知業果報觀夜摩天第七地處名  
廣博行衆生何業生彼地處彼見聞知或天  
眼見若人曾知持戒善心不殺不盜如前所  
述

說復捨邪欲所謂有人或到林中近妙聲鳥  
彼妙聲鳥迭互相於生欲心故出欲音聲雖  
鳥在前雄鳥在後相隨共行彼鳥翅羽有種  
種色一切見者心皆歡喜欲情內發而彼見  
已不生欲念心不思惟況復行欲彼人如是  
清淨持戒捨於邪欲持戒清淨身壞命終生

於善道天世界中在廣博行地處而生彼處  
生已一切諸欲功德和集受諸快樂有勝園  
林銀毗琉璃青寶之樹大青寶樹蓮華色寶  
種種寶樹莊嚴園林種種寶池水流盈滿若  
人本作善業來者行此林中種種受樂所謂  
林者名赤色林於彼林中有諸天衆諸天女  
衆若入其中彼樹光明增長轉勝種種妙寶  
莊嚴成就種種衣服若諸天衆入彼林中彼  
樹光明普皆赤色而彼樹林其色皆如赤蓮  
華寶或作迦鷄檀那寶色樹色柔軟真珠鈴  
網彌覆其上隨念生果隨念酒流如意念行  
隨天意念何處受樂彼樹枝葉即出種種勝

妙樂音如是行去多有天女共諸天衆并如  
是樹飛虛空中隨心所向如鳥無異彼樹既  
飛在虛空中皆如日出一切虛空普遍嚴好  
又復彼樹名赤色樹水出如雨在虛空中甚  
可愛樂彼鈴之聲天鳥之聲天樂之聲如是  
種種勝妙之聲遍滿虛空

時彼天衆見樹飛行在其面前天女之衆所  
圍繞已同一樂心多有無量百千天女共詠  
歌聲飛虛空中樹在於前如示導者天衆在  
後與樹相隨天衆如是隨心所念起如是意  
我於今者上彼樹上如是念時彼樹倒迴諸  
天即上有在枝上而遊戲者彼天如是在彼  
樹上處處遊戲如是枝上在枝住天隨心念  
時即彼枝上生蓮華池天及天女在彼池中  
遊戲受樂如是樹上住枝之天共天女衆在  
赤林中遊戲受樂皆隨所念如是受樂復有  
餘天葉中住者若有所念即樹葉中出生妙  
堂於彼念時如是堂出種種妙寶間錯莊嚴

終一  
二

鈴網彌覆彼一切堂有蓮華池而爲莊嚴有真珠網簾其戶牖天在其中共諸天女歌舞遊戲彼此迭互不相妨礙共相愛念如是諸天善業力故迭相親友無怨無害此多親友是善業果大善業果謂多親友余時彼天迭共同心在赤林中種種遊戲彼赤林中如是諸天一切欲樂皆悉具足大勝業故隨意所念虛空中行受無量樂

又復彼天不行虛空還向本處種種流水滿蓮華池於如是處天女圍繞遊戲受樂又復次向名稠樹林彼稠樹林甚可愛樂林中有河河中乳流如是乳河莊嚴彼林其乳勢力若天飲者憶念往世於何處生捨命而來於此處退生於何處若放逸行被種種苦無量種苦皆憶念已心生愁惱生愁惱故則離放逸離放逸已隨順法行此大饒益飲彼乳味勢力所致既飲如是勢力乳味而復入彼名稠樹林林有種種流水河池而爲莊嚴有種

種鳥在彼池中其鳥甚多樹枝競華以華重故皆悉下垂而爲莊嚴有七寶峰其色平等飲彼華汁以自適樂從蓮華池至蓮華池從一樹下至一樹下彼樹一切皆毗琉璃蓮華寶葉有金色葉如是葉者天中美味蘇陀中勝如是葉者是隨念葉若須味時則有如是美味葉生食彼葉已而復歌舞行向餘處心生歡喜

終一三

復向飲林彼林之樹天酒流出美味香色甚可愛樂不可具說離於醉過如是勝酒從樹流出如雲雨墮彼天飲已復更轉生勝歡喜心彼天如是生歡喜已聞種種音飲天美酒受種種樂復有無量光明莊嚴自身天女迭共遊戲歌舞喜笑

又復次向蓮華龍林彼林之量五百由旬天寶蓮華蓮華甚香以爲莊嚴蓮華龍林更無餘物唯除蓮華又有諸龍彼蓮華中如是龍者迭互相於欲心起發食彼蓮華衆龍一心

送共爲伴龍女圍繞在清水中水七功德離水衣過離泥濁過離長短過於彼觸中自意受樂如是如是龍自意念如是如是隨意水生彼龍在中共諸龍女戲樂之時亦如諸天共諸天女受樂不異

余時天衆見彼蓮華龍林之中諸龍戲樂從空中下向蓮華林詠歌音聲及諸天女莊嚴音聲龍在池中出聲如雷普彼天處如一歌聲以彼天處如是歌聲令諸山谷皆有響聲餘處諸天聞其聲故一切皆共來向蓮華龍林之所種種光明莊嚴其身饒天女衆如是同向蓮華龍林

余時彼天於先在彼蓮華龍林種種遊戲復有餘天山谷等處異異處來彼一切天送相見已歡喜之心轉勝增長如是諸天并天女衆及彼諸龍并龍女等共在水中遊戲受樂彼天天女龍龍女等如是受樂至於久時如是遊戲歌儻喜笑彼天如是放逸而行善業

盡故命欲盡故彼天天女善業福德欲盡之時若上蓮華蓮華不勝如是蓮華沒於水中即便破壞如是諸天若諸天女福德盡相如是應知

又復彼天若彼天女福德盡相謂彼諸天若彼天女以遊戲故上龍背上龍不能忍墮彼終一四

龍背此是彼天若彼天女福德盡相放逸行天放逸所壞如是相出余時彼天若有本來不大放逸先知彼相知彼相故而說偈言久時已過去 欲到命盡時 死時臨欲到癡天不覺知 而心不知足 貪著境界樂根不知足故 增長境界欲 五根樂境界爲欲破壞心 福德業將盡 癡天不覺知此大運時輪 常割衆生命 轉疾臨欲至癡天不覺知 此死大甚惡 爲業風所吹命盡時將至 癡天不覺知 生死有爲中無親無非親 死羈甚可畏 無能令免者諸有死未來 諸有命未盡 皆應捨放逸

而作自利益 死杖不久間 必破衆生命  
大力既來生 能令命失壞 境界癡所盲  
遠離法燈明 是故不見知 大可畏死絍  
癡者不能知 怖畏於死時 以心著境界  
爲愛所誑故 退退而復生 從道復至道  
衆生癡所壞 故受自業果 甚惡而極速  
能破諸世間 云何於死時 而不生怖畏  
衆生豈無心 為當是無畏 如是癡不知  
怖畏於死時 退相極顯現 如現見不異  
如是知不久 於天中則退

彼天如是見退相已諦知退相心意愁惱不  
向其餘未退天說欲退天說五以未退者五境

一

界中受諸欲樂恐其不信後時退故何以故  
於境界中放逸癡故或意迷故於彼天衆命  
欲盡者若放逸者不應爲說亦不應示余時  
彼天如是知已默然不言捨蓮華池向餘處  
去彼天於後復樂境界受境界樂彼欲退者  
大羞相出大畏相出癡不覺知不懼不畏龍

中遊戲在蓮華中共諸天女彼處久時受使  
樂已復共如是無量百千諸天之衆更向一  
山彼山名爲常樂曼山到已欲上有天金銀  
天毗琉璃天蓮華寶最勝天寶妙門之堂有  
百千數莊嚴彼山復有百千勝妙蓮華而爲  
莊嚴如是山中第一勝樂一切具足百千樂  
音悉耳所聞多著種種無縷天衣自身光明  
迭相看面有妙色聲觸味香等如心所愛而  
受使樂自意念行不可說樂皆悉成就天河  
流水園林莊嚴見則生樂彼天如是次第復  
上常樂曼山旣上山已有在堂中坐於牀者  
有乘鵝者有天在於蓮華臺上跏趺坐者天  
共天女在鳩婆羅葉中而住種種喜戲若歌  
儻等五樂音聲坐受使樂其心欲在虛空中  
行共諸天女處處遍看於彼天處處可愛  
隨心所樂稱意而去有處如燄金銀蓮華妙  
寶光明有處多有鳩婆羅葉青色贊影有處  
則是天毗琉璃青寶光明有處是銀頗梨真

珠光明可愛

次復有河有真珠沙出寶山峯有七功德清  
冷水流見彼峯河有水旋流其狀猶如真珠  
瓔珞如是觀察見彼處已飛於虛空復見異  
處七寶蓮華莊嚴水池無量蜂衆莊嚴蓮花  
如是見已復觀異處有園林池甚爲可愛見

有鳥獸獸種種色有銀色者有金色者寶角  
可愛蓮華寶眼真金色背兩脅白銀頗梨色  
甲背脚均平復有餘獸群隊相隨七寶妙色  
皆無所畏群群遊戲自受快樂業所作故形  
體殊妙以其業故皆食天食

又園林中餘處復見孔雀命命名無縷鳥名

終一

戲論鳥名大眼鳥名動翅鳥如是等鳥群群  
遊行在山峯中出入園林園林中見既到如  
是常樂鬱山臨欲上時見如是鳥彼山一廂  
則是青寶彼第二廂是蓮華寶彼第三廂則  
是金寶彼第四廂則是銀寶青寶廂處有妙  
寶堂名曰雜影堂中則有毗琉璃樹其華下

垂猶如大蓋流水河池而爲莊嚴蓮華之林  
乃有百千百千種鳥雜色莊嚴多有天女甚  
爲端正在彼掌中

彼第二廂蓮華寶處有名笑林彼林銀樹其  
葉是金有赤蜂群無量百千群鳥音聲有流  
水河河水有香微風徐動如是普遍莊嚴笑林  
彼第三廂金寶之處有妙寶林名樂寶林有  
頗梨樹而爲莊嚴其樹金枝枝網普覆有無  
量鳥百千音聲有流水河而爲莊嚴彼處多  
有歡喜天衆歡喜天女在中歌舞一切妙欲  
功德具足而爲莊嚴

彼第四廂銀寶之處蓮華寶樹青色寶枝而  
爲莊嚴多有種種妙音聲鳥多饒無量天及  
天女無量百千蓮華莊嚴有無量種無量分  
別有無量種隨眼所見見則受樂彼林彼樹  
彼河彼水彼寶枝等彼蓮華池彼鳥彼獸彼  
蓮華等種種色香種種形相甚爲端嚴常樂  
鬱山處處皆有如是諸天及天女衆乘空上

終一

七

彼常樂鬱山普彼山處一切皆見此勝念山  
有雜色光彼天既見眼則樂著普欲上山共  
天女衆五樂音聲五欲功德而受快樂勸行  
善業樂修多作可愛善業持戒善寶聖所愛  
果如是受樂皆欲上彼常樂鬱山臨欲上時  
名實語鳥爲說偈言

北河水速流 善業樂亦尔 瘋者不覺知  
境界貪所誑 如是時來時 死亦如是來  
樂迷放逸故 天癡不覺知 瘋者無智故  
不覺命已過 亦失於善業 而愛不可盡  
衆生不離愛 有中隨順行 彼癡愛衆生  
不覺善不善 善果甚可愛 若天受技樂  
如是見不善 在惡道苦處 若捨善不善  
復能離諸過 則至不退處 不生不死處  
彼樂得解脫 欲樂非得脫 夜摩及餘天  
業盡故得脫 無常則不住 常則爲第一  
希望有中樂 退墮不可樂 彼實語鳥爲彼天衆欲上山者如是說已彼

天聞已於大衆中若其有天不大放逸彼天  
則聞若放逸者以放逸過是故不聞猶著境  
界彼放逸天一切不取天鳥所說如是鳥語  
真實利益時彼天衆復歡喜心向第一山上  
彼山頂峯上有堂在堂而坐

如前所說彼一山峯名普見山彼普見山一  
千山中最高最上是故彼山名曰普見共天  
女衆上彼山頂種種樂音歌舞受樂多有天  
衆及天女衆上彼山峯見無量色善業所化  
光明水池彼光明池有可愛水其水清淨中  
有金魚見者眼樂水波亂動有鵝鴛鷺鴨等  
鳥群此種種鳥可愛音聲水中甚多又彼水  
中多有蓮華拘婆羅耶拘物頭華尼那陀華  
迦吒摩羅如是等華遍覆池水有種種蜂出  
種種音又復多有曼陀羅華多有金珠而爲  
間錯其水清淨又彼如是可愛池中復有蓮  
華名曰沫髮有百千葉一一葉中出無量葉  
有蓮華葉青寶色者有蓮華葉頗梨色者有

蓮華葉黃金色者有蓮華葉白銀色者有蓮華葉是碑礎者有蓮華葉迦難檀那有金剛葉第一善香彼如是等異色葉中各各有臺其色光明如初出日彼種種臺有無量色無量色葉遍彼池中所謂青黃赤白黑色臺而赤其香可愛滿一大臺尔時天衆從虛空

下向光明池下已入池池有金鳥天既入池

在鳥背上有天在於蓮華臺上共多天女遊戲受樂有天在於拘婆羅耶蓮華之上復有餘天在水中者有在鵝背入於水中而遊戲者有在陸地共天女衆而遊戲者五欲功德皆悉具足迭共喜笑遊戲受樂有在堂中共諸天女異處遊戲同飲天酒離於醉過現樂功德味觸色香皆悉具足其中諸天有以珠器而飲酒者所謂青寶銀寶金寶琉璃寶蓮華色寶及頗梨等種種珠器有共天女金蓮華葉而飲酒者有以開葉不穿不破拘婆羅耶而飲天酒詠歌音聲生歡喜者有天受

用蘇陀之食色觸香味皆具足者各各別別  
共自眷屬種種受樂有於異處共諸天女五  
樂音聲種種歌舞遶光明池而遊戲者有共  
天女在於水中而遊戲者彼水木味隨天念  
轉若天心念欲令此水色香味觸若冷若煖  
善業力故應念而有善不善業果報如是非  
終一九

有作者

又復彼天若如是念此水為酒令我得飲即  
於念時皆是天酒觸味香色皆悉具足離於  
醉過天既飲之增長勝樂善業力故心生歡  
喜然彼諸天自業力故如是受樂自業所化  
一切所作善業不失業爾之師人身機闊於  
三界中種種戲弄愚癡凡夫不覺不知如是  
諸天五欲功德皆悉具足而受快樂於彼天  
中名實語鳥為說偈言

如油盡燈滅 身命亦如是 以本業盡故  
天中必定退 如壁破壞時 依壁盡亦滅  
如是業盡故 天樂則無有 天於彼天處

福業盡則退 一切法無常 衆生悉破壞  
皆無常不定 命速不久住 死力勢甚大  
而夫不覺知

彼寶語鳥利益天衆以彼諸天善業力故如  
是已說若彼諸天未於多時放逸行者既聞  
鳥語於少時間正心思惟若放逸者亦如不  
聞以亂心故雖聞不受

於彼池處如是久受境界樂已各如所乘向  
彼山頂共諸天女飛空而往復見餘處有無  
量山種種形相一切山中常樂鬱山最爲高  
出復有一山名平等聚復有一山名曰普見  
此三山量於夜摩處一切山中最爲高大天  
衆如是觀察彼山其山光明遍彼天處天衆  
旣見即得上彼常樂鬱山上已則見種種間  
雜諸妙寶樹金樹銀樹毗琉璃樹莊嚴彼山  
彼樹根根莖莖節節枝枝葉葉皆是十寶莊  
嚴殊妙彼樹根莖七寶莊嚴諸節次第寶別  
不同一節則是毗琉璃寶一節則是蓮華色

寶次節銀寶次節金寶次節則是頗梨之寶  
次節則是磚砾之寶次節則是迦雞檀那彼  
樹如是節節各各莊嚴不同自從根莖乃至  
於葉一切皆是七寶莊嚴彼樹不遠復有寶  
堂行而不亂皆同一色如人世間日之光明  
彼諸天衆爲戲樂故次向彼堂彼堂之數有  
第一十百千如心意量如意念行如意念作彼天  
之中有如是堂近彼堂處有蓮華池其數多  
少亦如彼堂如是蓮華節節次第七寶莊嚴  
又於彼處復有衆鳥三功德行何等爲三一  
是水行二是陸行三是樹行言水行者謂名  
鴛鴦泥盧槃大胡盧鵝鴨摩鳩羅等是水行  
鳥言陸行者彼山頂處出妙音聲謂名二枝  
名歡喜聲名一切忍有鳥名爲一切鳥聲名  
一切時恒常受樂如是等鳥是陸行鳥天音  
聲中此鳥音聲最爲美妙言樹行者謂俱翅  
羅名命命鳥名孔雀鳥名鸚鵡鳥名普眼鳥  
不睂眼鳥名普行鳥名寶語鳥名知時鳥如

是等鳥是樹行鳥人中有半彼天皆有於彼  
天中有如是等無量衆鳥種種音聲如是天  
中三種行鳥出妙音聲又常樂鬢大山頂上  
更復有鳥行虛空中身是七寶若彼諸天行  
放逸行放逸壞時彼鳥說偈呵責之言  
放逸所壞天爲境界所誑愛心所迷亂  
死王臨欲去染著欲樂故不知善不善  
一切衆生癡境界欲所誑愛心所迷亂  
造作種種業爲種種心使流轉於五道  
如是彼鳥見放逸天放逸行故已說此偈而  
呵責之猶如父母調伏諸子而彼諸天雖如  
是聞不受不取猶故受樂遊戲歌舞乃至一  
十一

切善業皆盡則於後時退彼天處退天處已  
如自業行墮於地獄餓鬼畜生若餘業故生  
於人中同業處者則生第一富樂之處有勝  
上意心常歡喜在好國土迦那那洲若師子  
國富樂處生生長者家以餘業故  
廣博行地第七已竟

又彼比丘知業果報觀夜摩天所有地處彼  
見聞知夜摩天中復有地處名曰成就衆生  
何業生彼地處彼見有人信佛世尊善心持  
戒不殺不盜如前所說復捨邪婬於先所行  
共婬婦女心不憶念彼善男子如是持戒善  
意熏心身壞命終生於善道夜摩天中成就  
處地生彼處已自業相似而得果報所謂園  
林蓮華池水有種種鳥美妙音聲種種莊嚴  
妙身天女而爲圍遶生如是等天樂之處五  
樂音聲種種遊戲不可譬喻勝妙聲觸味色  
香等而受快樂譬如水池有五水寶皆悉是  
木在水池畔水入池中不遮不礙如是如是  
五根愛著五愛之身常隨五處不知厭足譬如  
如五處皆悉置火一切燄然風吹普熾若以  
乾薪如是如是著五火中彼火如是熾然增  
長如是如是此根愛然如火增長憶念風吹  
不正觀燄境界乾薪五根火燄如是如是此  
五根火得境界薪如是如是根火熾然如是

間火飛蛾入中則被燒然如是如是若有入於愛境界火則爲所燒一切愛著皆如飛虫不覺不知一切諸天如被飛蟲爲火所燒墮五境界共天女衆園林中行從蓮華池至蓮華池從蘇陀處至蘇陀處從飲酒處至飲酒處從美音處至美音處從香華林觀華香已

次復往到勝香華林從一林處至一林處見林眼樂復向其餘眼見樂林如是遍入諸境界火

彼山如活彼天見之如見命物彼諸天衆如是見山如是如是處處普見如火得酥其燄熾然如是彼處始生天子見如是處七寶莊

次一十二

五萬者如是次第乃至百千諸天女者尙時如是諸天女衆於彼天子送共相愛不生厭心一切天女一一各各作如是知天子愛我彼天如是愛於欲樂不知厭足如火得酥燄起熾然彼放逸行諸天子等園林樹木蓮花池中於河水中可愛天女共受快樂

如是次第復於後時共彼天女入鵝林中如是林者於彼天中猶尚希有況於餘處謂彼林中有鵝莊嚴如是鵝者在彼林住彼鵝銀翅有金翅者蓮華寶足復有餘鵝蓮華寶叢金寶間腹有金身鵝背則是銀迦鷄檀那勝寶之足其塗亦是迦鷄檀那復有餘鵝頗梨

嚴見無量種心則生樂見彼山處無量百千諸天女衆如是天女甚多甚饒彼一切處多有天女種種莊嚴遍滿彼處天衆亦余遍滿彼處歌舞遊戲迭共受樂五樂音聲遊戲受樂若下劣天如是種種莊嚴天女可有一萬如是次第三萬二千如是次第有四萬者有

鵝處遊戲或在池中如是遊戲如是次在

次一十三

蓮華林中山河等中或於陸地蓮華林中柔  
軟地處有種種華共彼鵝如是受樂余時  
諸天入彼鵝林多饒種種莊嚴天女共彼天  
女遊戲受樂彼天既見如是鵝已生希有心  
轉勝歡喜迴眼普看如是勝林彼諸天女隨  
順天心既知天子心歡喜已語天子言天今  
當知此名鵝林如是鵝林甚可愛樂種種寶  
樹光明殊妙有種種寶莊嚴此林希有功德  
皆悉具足種種蓮華而爲莊嚴無量百千山  
峯莊嚴有種種華莊嚴彼林如是種種名尚  
叵說有蓮華池莊嚴彼林

於彼林中有鵝王住名曰善時鵝如天主牟  
脩樓陀住此天中彼善時鵝乃是一切鵝中  
之王住此林中在於廣池遊戲受樂

牟脩樓陀夜摩天王恒常來至此鵝王所共

此鵝王種種遊戲勝共一切天衆戲時所受

之樂共餘一切諸天遊戲皆悉不如共鵝遊  
戲彼天子言以何因緣夜摩天王恒常共彼

善時鵝王而遊戲耶天女答言如是因緣一  
切天衆皆悉不知天子今者如是心念我今  
共去向彼善時鵝王之所入彼林中乃至到  
池盡見林已見彼天王牟脩樓陀及見鵝王  
彼始生天於天女衆如是聞已作如是言我  
今共去到彼鵝王牟脩樓陀天王之所余時  
如是諸天女衆共始生天向彼林間水池之  
中鵝王之所未至鵝王已見種種天妙樹林  
多饒種種鳥獸群衆有種種色種種鳥獸鳥  
共雌鳥獸共牝獸如所應食種種不同食天  
根果皆七寶身莊嚴勝妙中間平地於樹林  
中窟穴之中若平地處或於河岸蓮華池岸  
或在池中或山谷中群群遊戲或出音聲彼  
始生天見已心喜又生希有未曾有心眼則  
胸動諸天女衆而圍遶之詠歌音聲如是遊  
戲入彼鵝林

復於一處見孔雀群在園林中彼諸孔雀有

脰起者有以脰項相揩摩者如是露與種種

遊戲復有孔雀七寶之身在閑林中屏處遊  
 戲有共樹心而遊戲者種種孔雀如天所應  
 始生天子共諸天女如是見已欲入鵝林見  
 多無量百千億數諸天女衆在鵝林中復見  
 餘林甚可愛樂所謂有河第一清水普河兩  
 岸多有諸天及天女衆七功德水盈滿彼河  
 所謂河者名欲水河寂靜水河歡喜流河名  
 酒流河有河名爲蒲萄酒流有名隨稱一切  
 念水名鳥音聲可愛樂河彼大林中如是河  
 流彼岸行鳥飲冷水已而說偈言

故業勿今盡 數數造新業 以本業盡故  
 則於天中退 若人造新業 三種三時生  
 故未盡造新 則不墮惡道 若畏未來世  
 不貪著現在 不樂過去者 不久間得脫  
 若心不動轉 苦樂不經心 彼智者捨身  
 餘處則得樂 若受故業樂 而不造新業  
 故業受盡已 癡者死時知 若披癡心天  
 受行境界樂 若勸佛功德 不爲欲所使

若有得如是 大過患之身 能不著現樂  
 則是智慧者 若不爲欲使 畏過不貪著  
 復畏於惡道 則是勇健者 若心貪著樂  
 而不畏惡道 此癡愛樂行 由愛故退失  
 貪著於諸欲 後時墮惡道 得已心歡喜 修欲不得力  
 此癡愛樂行 得已心歡喜 修欲不得力  
 如電如陽炎 十五 如乾闢婆城

如是說欲惡 能誣惑一切

彼岸行鳥見始生天放逸行故如是說偈彼  
 始生天新著欲故雖聞不受

余時彼天聞彼鳥語既不受已復入鵝林更  
 受無量境界之樂始著欲故鵝林勝故雖聞  
 不取如是鵝林枝網覆故實與不實一切不  
 知彼鵝林中見寶珠林遠處遙見第一光明  
 復有百千光明羅網其處諸天尚不能看況  
 下地天三十三天四天王天而能看耶彼天  
 珠林如是光明若天欲發如是寶珠爲作堂  
 舍行虛空中珠內有孔天坐其中飛行虛空  
 遊戲受樂以善業故珠爲堂舍行於虛空如

是珠中有天園林蓮華水池種種樹林分分  
地處多有山峯饒鳥音聲如是彼天在虛空  
中音聲娛樂六欲功德一切成就遊戲受樂

正法念處經卷第五十一

終一

送互結上徒雌反此斯翅施智濡軟間錯下七  
落反戶

牖下音妨導下苦稠直流蒲萄桃下音娛樂上音  
脅脇虛業反羣隊下捷希望二字音煙煖  
詩闔寶豆鳴鷗許敕反嘴子委反正作策  
牡反忍𦥑頂上音煙指摩皆反屏處解上音

正法念處經卷第五十二

終二

元魏婆羅門瞿曇般若流支譯

觀天品第六之三十一夜摩天之十七

又復彼天若心有念欲下虛空即心念時共  
諸天衆從空而下下已還至自住處住如是  
寶珠還復如本有大光明彼諸天女爲始生

乙

雜

天如是說已尔時如是始生天子爲欲羈縛  
復樂境界向寶珠林見不遠處有黃赤白無  
量百千種種光明滿珠林中彼寶珠林不遠  
之處則有鵝林尔時如是始生天子於天女  
邊如是聞已向寶珠林共彼天女如是往到  
既前到已見珠光明乃有無量當尔之時始  
生天子如是憶念如彼異天入寶珠林虛空  
中行遍見天處我亦如是入寶珠林如是而  
行即於尔時隨心所念珠爲堂舍在虛空中  
彼始生天空中見已共天女衆入寶珠堂如  
自善業見彼堂中種種可愛彼寶珠中有流  
水河蓮華水池園林山峯滿珠堂內眼見心  
樂復於諸處見有諸鳥鳥聲可愛彼如是處  
有種種色形相香華復見異處種種鳥獸有  
河平岸有河峻岸皆悉可愛在彼河邊復見  
異處多有天子及諸天女歌舞喜笑遊戲受  
樂彼如是處諸園林等一切皆如向來所說  
天子始見共天女衆遊戲受樂放逸而行愛